

編號 1 號

【一枝草一點露】曾勤妹原作

還記得，舊年學校舉辦了¹一場盡有意義个演講——生命教育。邀請著臺灣盡有名个畫家來演講，佢係一個用腳畫圖个畫家——楊恩典小姐，這堂課分當感動，到這下，還清清楚楚記得，永久毋會添放忒……。

在楊恩典小姐演講之前，學校个校長、先生有先宣布，這係一場精采又難得个一堂課。先生乜教兜先上網，查詢楊恩典有關个資料，心肝肚恤：一個無手个人，單淨靠一雙腳，敢有可能畫出靚靚个圖？

演講个日仔到了²，全校个先生、同學集合在活動中心，楊恩典小姐坐在舞臺个中央，著等一身水紅色个洋裝，佢雖然無手，毋過自家打扮到伶伶俐俐，佢現場表演用腳趾著襪仔，全部人都看到嘴勾勾緊拍手。楊恩典小姐開始演講：佢馴馴仔³講出還細時節無手，仰般用腳趾夾等鉛筆學寫字、食飯，包尾佢還用行路个

腳趾夾等畫筆，畫出一幅一幅盡靚个圖分大家看。

楊恩典小姐安然自在，柔柔仔講出童年个點點滴滴，續等在一排畫筆肚用腳趾拿出一枝夾纏來，蘸色料，佢用楊恩典式个笑容，信心滿滿畫出一對鴛鴦，又定定仔畫出紅紅个牡丹花，愛畫青色个葉仔个時節，楊恩典像變奇術樣，用腳趾擰開另外一罐玻璃盅仔！感動到目汁緊流，心肝肚想：還細時節識學過畫圖，毋過讀書心花花，畫个狗像貓仔，三日打魚，四日晒網，無幾久就畢業了⁴！

楊恩典該日畫个「恩恩愛愛」个鴛鴦國畫，分學校先生買去，義賣到一萬箍，佢捐分六龜孤兒院，感謝栽培佢个阿爸阿姆，天公爺毋記得分佢雙手，毋過送分恩典全天下最偉大、最有愛心个爺哀——楊牧師兩公婆。天公爺送分恩典萬能个雙腳，佢用該雙腳寫水筆字、畫圖，畫出一片靚靚个世界。

老古人講：「一枝草，一點露。」一息都無爭差。這擺个生命教育課程分深深感受著：楊恩典小姐毋向命運低頭，毋會怨天怪地个精神。想：佢俚有好手好腳，堵著困難定著愛勇敢面對，肯打拚相信就會出頭天。

¹ 了：音 liau^ˊ，表完成。

² 表完成的語尾助詞。海陸腔有 le^ˋ、lio^ˋ……等不同讀音，讀者可依文章情境，自由詮釋發揮。以下同此注釋說明。

³ 馴馴仔：音 shun shun er；溫馴的樣子。

⁴ 了：音 le^ˋ；語尾助詞。

編號 2 號

【落水个時節】鄒瑞梅原作

論真來講，落水天就係 个救星。

當中意落水天，因為落水个時節，做學生仔个 ，就毋使到運動坪升旗，乜毋使聽校長、主任講到一拖拉牯。你就毋知了，逐擺日頭當烈个時節， 這瘦挾挾个 身，就分日頭晒到險險昏忒，晒到毋知人，實在當艱苦。

記得，有一日个下晝頭， 聽著響雷公，過一下仔，大水放勢落。 企在窗門脣，聽該水滴滴叮叮个聲，就像一首一首快樂个交響曲；看該水像仙女樣在樹葉頂跳舞，跳過來、跳過去，撈樹葉洗到青里里仔，地泥乜洗到當淨俐。

看 姆在該無閒屋下个事頭，無時間好插 ， 就撈姊偷偷仔擎遮仔、著水靴筒走到外背搞水，涿到一身潦潦。姆轉身看著 撈 姊一身溼漉漉仔，氣嘮氣鼓， 兜分佢刻到臭頭，免不了也分佢請一盤「竹筍炒肉絲」。該暗晡， 就隨冷著、

作燒、打哈啾，害 姆愁到歸夜無睡，顧 到天光，這下想起來，實在當不孝。

該班有一個鬼頭鬼腦个搞頭王——阿明仔，佢一下課就走到無看著影。阿明仔盡惱落水天，因為佢當好打球仔，係落水个時節，先生驚 兜冷著，就會限制同學通棚做毋得出去外背寮。下課時節，做毋得去運動坪打球仔，該就像愛收佢个命共樣，歸日在教室裡肚企坐毋核，嘴嘟嘟蹕上蹕下，毋知愛仰結煞正好，落水天嘎變到佢个死對頭。

其實，換一種心情來看落水天个世界，也已生趣。欣賞在落水天行來行去个人，有擎遮仔个人就斯斯文文，慢慢仔在落水天散步；無擎遮仔个人，就三步做兩步走；也有人分大車仔噴到一身潦潦，大聲脰緊罵，害 笑到肚屎痛。

落水天个情景，千奇百怪，希望大家共下來欣賞街路頭一蕊一蕊靚靚个遮仔花，共下來欣賞落水天个奇妙世界。

⁵ 拖拉牯：音 to lag kuˊ；卡車；源自日語之外來語（トラック）。

⁶ 滴滴叮叮：音 didˊ didˊ daˊ daˊ；狀聲詞；形容下雨的聲音。

編號 3 號

【膨風茶無膨風】張美容原作

「月光華華，細妹煮茶，阿哥兜凳，人客食茶。」

茶，係客家人生活个一部分。客家人大部分戴在山肚，種茶也好食茶，頭擺還會在揸擔來往个山路樹下，放桶茶分路人解渴。屋下開雜貨店，店肚乜日日沖一大茶罐个茶，分來交官揸坐寮个人客食，也恁樣，從細就食茶食到大。

嫁來北埔，家官也食茶，毋過，總試著茶个味道揸屋下食个無幾共樣，這係本地出產个茶，香又耐泡合無農藥。因為茶个風味特殊，相傳頭擺日本高官買一臺斤這種茶，愛用相當一個鄉長二十隻月个薪水，茶農轉到北埔講起，大家毋信受蟲害个茶有恁好个價錢，認為佢「膨風」，「膨風茶」个名就恁樣來。還聽講英國商人聽著膨風茶个名聲，買來送分英國皇室，女王看著五色个茶米在茶杯肚像美人跳舞，茶湯潤喉又順口，就揸這來自東方臺灣个茶安到「東方美人茶」。到這下，膨風茶个價錢還盡好，一斤做得賣到幾下萬銀，2004 年北埔東方美人茶个拍賣會上，特等

獎還賣出一臺斤一百空一萬臺幣个天價，膨風茶个高價一滴就無膨風。

膨風茶係茶樹个嫩芽，分一種安到「小綠葉蟬」个蟲仔蜒過，這種分蟲仔蜒過个茶，茶芽摺葉仔會變黃捲起來，發育毋好，勤儉个茶農毋盼得損失，用手工摘一心兩葉做出茶來。做出个茶用八十到九十度水溫个水去泡，茶湯毋會澀也毋會苦，有淡淡个水果香摺蜂糖个甘甜滋味，盡受歡迎。因為做出个茶茶芯銀白色，品質好个歸茶還有紅、白、黃、綠、咖啡五色，所以又有「白毫烏龍茶」、「五色茶」个名。

食膨風茶有四十年咧，從先先食毋慣，到這下日日愛來一壺。食多油氣，食杯茶毋會試著油膩膩；朋友來寮，食茶打嘴鼓最快樂。一溜來，定定仔食一杯茶、恬靜恬靜看一本書，係最大个享受！

⁷ 蜒：音 rhan；被蟲吸吮過。

⁸ 先先：音 sen` sen`；起先、一開始。

⁹ 油氣：音 rhiu hi~；油膩的食物。